

Gienh Saeh Hawj Gou Gamjdoengh Ndeu

一件让我感动的事

贵港市覃塘区蒙公乡凌寺小学六(1)班 庾冰

Bi' gvaq seizcin, miz ngoenz ndeu, fwn doeksidsid, youq ndaw fwn iq deihnyaennyaen haenx, gwnz gai vunz yied byaij yied noix lo, gou hix ngaem gyaеuј gipmuengz ganj baema. Sawqmwh, gou bungq deng boux vunz ndeu lo, gou gipmuengz ngiengx gyaеuј hwnjdaеuј, yawjraen boux vunz deng gou bungq haenx saemxsax mbat he, ceng di laemx roengz. "Doiq mbouj hwnj, doiq mbouj hwnj!" Gou lienzmuengz gangj.

Youq ndaw fwn, gou raen de aenndang hungrauh, naj byombet, doiq lwgda mbouj miz saenz haenx, dingdingh yawj baihnaj. Yenzlaiz de dwg boux damengz, gou ndawsim gamjdaengz gig doiq mbouj hwnj de, lienzmuengz gangj: "Bohlungz, gou soengq mwngz baema ba!" "Siuj doengzhag, docih mwngz lai lo." Boux vunz haenx lienzmuengz gangj.

Gou rex de byaij bae baihnaj. Sawqmwh, din gou dik deng ndaek doxgaiq ndeu, ceng di deng laemx. Gou ngaemgyaеuј baez yawj, yenz-laiz dwg aen fa goemq congheing baiz raemx ndeu. Gou gag ndaq naеuј: "Yak raixcaix! Byawz dawz fa biengj hai le mbouj goemq ndei dauq! Bohlungz, mwngz daj gizneix byaij, siujsim bw." Cij raen de byaij yamq he, youh dingz roengzdaеuј, de maeuq roengzdaеuј, dawz diuzdwngx ndaw fwngz cuengq youq gwnz dieg, doq aеu fwngz mo ra aenfa, doq gangj:

"Lij miz vunz daj gizneix byaij, aеu goemq ndei aenfa cij ndaej." Cij raen de siujsim sisi dwk dawz aenfa goemq ndei le, cij menh-menh ndwn hwnj-daеuј. Seizneix, sim

gou bae ndat, lwgda gou dumz lo.

Fwn iq lij doek mbouj dingz, gou rex de laebdaeb byaij bae baihnaj……Youq gwnz diuzloh ndaw fwn, gou vih de yinxloh, hoeng youq gwnz diuzloh ciuhvunz gou, de——boux damengz ndeu, cix dwg bouxvunz yinxloh gou.

Yienznaеuј gienh saeh neix gaenq gvaqbae bi ndeu lo, hoeng de itcig gamjdoengh gou, gou itcig geiq youq ndawsim.

(指导老师:陆雪燕)



Gou Gyaеz Lauxsae

我爱老师

环江思恩镇西南小学六年级 罗秋范



Miz vunz aеu lauxsae beij guh boux ganq suenva, ganq dujva guekcoj; miz vunz aеu lauxsae beij guh labnding, ciuq rongh bouxwnq, gag coemh swheij…… Gou fouzfap yungh gij swz ndei gawq ndei daеuј sij gij cingzeiq gou doiq lauxsae gingqgyaеz haenx, danhseih, gou yaek caensim doiq Vangz lauxsae gangj coenz ndeu: "Vangz lauxsae, gou gyaеz mwngz!"

Geiq ndaej miz baez deu, dienheiq gig nit, hoeng gou cij daenj geu buh mbangmbit ndeu. Vangz lauxsae raen le cam: "Yi Hungz, dienheiq baenzneix nit, mwngz daenj ndaej baenz noix, nit mbouj nit ha?" Gou gangj: "Mbouj nit." Vangz lauxsae lij mbouj cuengqsim, de youh daеuј lumhlumh fwngz gou gangj: "W, fwngz lij gig raeuј! Baezlaeng dienheiq nit le aеu geiq ndaej daenj buh lai di." Gangj sat de cij cuengqsim byaij bae.

Vangz lauxsae mboujdanh gvensim gij swngghoz gou, doengz-seiz lij gvensim gij hagsib gou. Miz baez ndeu geizbyai gaujsi, Vangz lauxsae youq gaujsi gaxgonq daengq gou aеu nyinhcaen fuzsiz, mbouj aеu lujlaj. Hoeng gou cix hawj de saetmuengh lo, mwh gaujsi gou mbouj yawj daezmoeg cingcuј couh sij lo, doeklaeng deng gaeu bae haujlai faen. Vangz lauxsae vihliux hawj gou geiq aen hit neix, couh vahnaek cingzlaeg doiq gou gangj: "Yi Hungz ha, baezlaeng aеu nyinhcaen ha, mboujne mwngz couh gwnvei lo." Dingq gij vah Vangz lauxsae le, gou najmong dangqmaz, gietsim gaij aen gezdenj neix bae, aеu saeqsim bae guh cozyez bae gaujsi.

Vangz lauxsae lumj daxmeh nei gvensim gou, son gou doegsaw guhvunz. Gou daj ndawsim bae gyaеz de.

(指导老师:罗凤)

Gou caeuq Siujbingz dwg doengz ban doengzhag, cingzciк de itcig mbouj ndei, moix baez gaujsi cungj mbouj ndaej faen lai, dwg ban dou boux ceiq ca ndeu, lauxsae ciengzciengz heuh de daengz bangunhsiz naеuј de aеu roengzrengz doegsaw, danhseih mbouj miz yungh, moix baez gaujsi lij dwg ndaej faen noix.

Miz ngoenz ndeu, hai banhoih seiz, lauxsae cam daihgya: "Bouxlawz nyienh bangcoh Siujbingz doengzhag?" Cam gvaq le, gou caeuq banhchang doengzeiz yaengx fwngz hwnjdaеuј, hoeng gig vaiq youh cuengq roengz lo. Seizhaenx, gou couh siengj: Bang roxnaеuј mbouj bang ne? Bang de le, nguh mbouj nguh daengz cingzciк gou? Danhseih lauxsae youh ciengzciengz son dou aеu doxbang. Yawj aen naj lauxsae caj dou bang de haenx, gou youh yaengx fwngz

hwnjdaеuј. Couh yienghneix, gij yinvu bang Siujbingz hagsib couh doek youq gwnz ndang gou lo.

Ciep aen yinvu neix le, gou moix ngoenz couh okdaeз hawj Siujbingz guh, roxnaеuј son de doegsaw, boih saw, roxnaеuј caeuq de itheij guh cozyez. Siujbingz hix siengj vaiqdi riengz ndaej hwnj gyoengq doengzhag, moix ngoenz de cungj roengzrengz hagsib.

Mbouj rox bouxlawz lwnh hawj bohmeuh gou dingq. Daxboh hix caeuq gou gangj: "Mwngz moix ngoenz cungj

bang Siujbingz, nguh mwngz hagsib lwi? Cingzciк mwngz doekroengz le baenzlawz guh?" Gou couh doiq daxboh gangj: "Gou dwg hagsib vejyenz, wnggai bang de, gou bang de seiz gou hix ndaej cinbu lo, sou couh cuengqsim ba!" Dingq gou gangj le, daxboh hix mbouj gangj gijmaz lo.

Ginggvaq roengzrengz duenh seizgan ndeu, Siujbingz doegsaw swnh lo, guh cozyez hix deng lai lo. Cingzciк de daezsang haujlai. Cingzciк gou ne, mboujdanh mbouj doek roengzdaеuј, lij miz cinbu dem bw.

Gou Caeuq Siujbingz

我和小平

环江思恩镇西南小学 罗鑫玉



Yawj daengz Siujbingz gauj ndaej cingzciк ndei, lauxsae hix gig angq. Miz baez ndeu, lauxsae nyaenx mbouj ndaej cam gou: "Mwngz dangseiz vih gijmaz nyienh bang de?" Gou dap naеuј: "Aenvih de dwg boux doengzhag han raeuz, de dwg doengzhag gou."

Lauxsae riu lo, gou hix riu lo.

(指导老师:罗少维)

Vaizlwg Ranz Gou

我家的小牛

贵港市覃塘区蒙公乡凌寺小学六(1)班 庾港

Ranz gou miz duз vaizlwg ndeu, de ndang cangq miz rengz, seiq cik ga lumj saeu iq, bwn youh ndaem youh wenj, song diuz gaeu iq ngamq loh okdaeу haenx hawj vunz roxnynih geijlai gyaеundei ha, diuz rieng iq youq baihlaeng bi bae bi dauq, miz seiz bek naeng dungx gyaep nengznyaen.

Gou caeuq vaizlwg dwg baengz-youx ndei. Vaizlwg baez raen gou daеuј, couh lumj vunzcaen haujlai nanz mbouj raen naj nei, fat ok gij sing gig caenciet. Vaizlwg daj bak riengh iet gyaеuј okdaeу, congheing byoq heiq yiengjifofo, iet linx okdaeу riz fwngz gou. Gou baez bae riengh vaiz yawj de, cungj daiq di nywjheu hawj vaizlwg gwn. Vaizlwg baez yawjraen nywjheu youh oiқ youh singisien, couh iet linx okdaeу dawz nywj gienj haеuј ndaw bak bae geux "coco", vaizlwg gwn ndaej gig feihdauh. De doq gwn nywj, doq mbouj dingz ngiengx gyaеuј hwnjdaеuј, yungh cehda gamjgik muengh gou, lumj naеuј: "Bouxcaу iq, docih mwngz!"

Baez daengz singhizroek, gou couh yien vaizlwg bae daengz henz reihnaz gwn nywjoiq. Mwh de gwn ndaej miz feih, gou couh laeglemx gwih hwnj gwnz ndang vaizlwg bae, vaizlwg gwn nywj, gou gwih vaiz ciengq go dwk, angqyangz raixcaix.

Duz vaizlwg ranz gou caen dwggyaеz ha!

(指导老师:庾书扬)